




# Republika e Kosovës

Republika Kosova-Republic of Kosovo  
Qeveria - Vlada - Government

Ministria e Pushtetit Lokal  
Ministarstvo Lokalne Samouprave  
Ministry of Local Government




|                                           |                                                                                                                           |                                  |
|-------------------------------------------|---------------------------------------------------------------------------------------------------------------------------|----------------------------------|
| Për:                                      | Bekim Jashari, Kryetar i Komunës së Skenderajt<br>Fatbardha Haliti, Kryesuese e Kuvendit të Komunës së Skenderajt         |                                  |
| Kopje:                                    | Njesisë për Administrimin e Dokumenteve në MPL<br>Njesisë për Administrimin e Dokumenteve në Komunë                       |                                  |
| Përmes:                                   | Goran Rakić Zëvendës Kryeministër dhe Ministër i MPL-së<br>Rozafa Ukimeraj, Sekretare e Përgjithshme e MPL-së             |                                  |
| Nga:                                      | Venera Çerkini, Udhëheqëse e Departamentit Ligjor dhe Monitorim të Komunave                                               | Datë:<br>16.11.2020<br>Nr. 0-860 |
| Zyrtaret përgjegjës:                      | Xhevat Tafa, Udhëheqës i Divizionit për Monitorim të Komunave<br>Vjosa Ahmetaj, Zyrtare e lartë për Monitorim të Komunave |                                  |
| 1. Zyrtari konfirmues i vlerësimit ligjor |                                                                                                                           |                                  |
| 2. Zyrtari hartues i vlerësimit ligjor    |                                                                                                                           |                                  |
| Lënda:                                    | Konfirmim i ligjshmërisë së aktit të Komunës së Skenderajt                                                                |                                  |
| Lloji i aktit:                            | <input type="checkbox"/> Rregullore e Kuvendit të Komunës                                                                 |                                  |

I nderuar Kryetar,  
I nderuar Kryesues,

Në pajtim me Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 06/2020 për Fushat dhe Përgjegjësitë Administrative të Zyrës së Kryeministrit dhe Ministrive, Departamenti Ligjor dhe Monitorim të Komunave i Ministrisë së Pushtetit Lokal ka pranuar për shqyrtim të detyrueshëm të ligjshmërisë ashtu siç parashihet me nenin 81 të Ligjit Nr. 03/L-040 për Vetëqeverisje Lokale aktin komunal në vijim:

|                                                                                                                                                                |
|----------------------------------------------------------------------------------------------------------------------------------------------------------------|
| Rregullore e Kuvendit të Komunës Nr. 01-110/01-0047005/20 për organizimin, funksionimin dhe bashkëpunimin e Komunës me fshatrat, vendbanimet dhe lagjet urbane |
| I miratuar më datë: 30.10.2020                                                                                                                                 |
| I parashtruar për shqyrtim në MPL më datë: 06.11.2020                                                                                                          |

Ministria e Pushtetit Lokal, pas shqyrtimit të përmbajtjes së aktit të komunës si më sipër, vlerëson se akti i komunës në aspektin procedural është në pajtim me dispozitat e legjislacionit në fuqi dhe si i tillë mund të prodhojë efekte juridike. Ministria e Pushtetit Lokal mbetet në dispozicion të komunës për çfarëdo sqarimi të mëtejshme në lidhje me këtë vlerësim.



**Republika e Kosovës**  
**Republika Kosovo - Republic of Kosovo**  
**Qeveria - Vlada - Government**  
*Ministria e Pushtetit Lokal*  
*Ministarstvo Lokalne Samouprave*  
*Ministry of Local Government*

|                                              |                                                                                                          |                      |
|----------------------------------------------|----------------------------------------------------------------------------------------------------------|----------------------|
| Za:                                          | Bekim Jashari, gradonačelnik opštine Srbica<br>Fatbardha Haliti, predsedavajuća Skupštine opštine Srbica |                      |
| Kopija:                                      | Jedinici za administraciju dokumenata u MLS-u<br>Jedinici za administraciju dokumenata u opštini         |                      |
| Preko:                                       | Goran Rakić, zamenik premijera i ministar MLS-a<br>Rozafa Ukimeraj, generalna sekretarka MLS-a           |                      |
| Od:                                          | Venera Çerkini, direktorka Pravnog odeljenja i monitorisanje opština, MLS                                | Dana,<br>16.11.2020. |
| Službenik-ca za potvrđivanje pravne procene: | Xhevat Tafa, rukovodilac Odseka za monitorisanje opština                                                 | Br.0-860             |
| Službenik-ca za izradu pravne procene:       | Vjosa Ahmetaj, viša službenica za monitorisanje opština                                                  |                      |
| Predmet:                                     | Zahtev za razmatranje zakonitosti akta Skupštine opštine Srbica                                          |                      |
| Vrsta akta:                                  | Uredba Skupštine opštine                                                                                 |                      |

Uvaženi gradonačelnice,  
Uvažena predsedavajuća,

U saglasnosti sa uredbom Vlade Republike Kosova br. 10/2019 o administrativnom razmatranju akata opština i na osnovu zakonskih ovlašćenja određenim osnovnim zakonima i Uredbom Vlade br. 06/2020 o oblastima odgovornosti administrativne Kancelarije premijera i ministarstva, Pravno odeljenje i monitorisanje opština MLS-a, primilo je za obavezno razmatranje zakonitosti akta opštine kako je predviđeno članom 81. Zakona br. 03/L-040 o lokalnoj samoupravi kao u nastavku:

|                                                                                                                                                         |
|---------------------------------------------------------------------------------------------------------------------------------------------------------|
| Uredba Skupštine opštine br. 01-110/01-0047005/20 o organizovanju, funkcionisanju i saradnji opštine sa selima. Naseljenim mestima i urbanim naseljima. |
| Usvojena dana, 30.10.2020.                                                                                                                              |
| Predložena na razmatranje u MLS-u, dana, 6.11.2020.                                                                                                     |

Ministarstvo lokalne samouprave, nakon razmatranja sadržaja gore navedenog akta opštine, procenjuje da je opštinski akt u proceduralnom aspektu u saglasnosti sa zakonskim odredbama zakonodavstva na snazi i kao takav može proizvesti pravni efekat.

Ministarstvo lokalne samouprave ostaje na raspolaganju opštini za dodatna objašnjenja u vezi sa ovom procenom.

[illegible]

Republika e Kosovës  
Republika Kosova  
Republic of Kosovo

Komuna Skenderaj  
Opština Skenderaj  
Municipality of Skenderaj

## RREGULORE

PËR ORGANIZIMIN, FUNKSIONIMIN DHE BASHKËPUNIMIN E KOMUNËS  
ME FSHATRRAT, VENDBANIMET DHE LAGJET URBANE

Skenderaj, 2020

Në bazë të nenit 11, nenit 12 paragrafi 12.2 shkronja c), nenit 34 paragrafi 34.4 të Ligjit Nr.0/VL-040 për Vetqeverisje Lokale (Gazeta Zyrtare e Republikës së Kosovës Nr.28/1 Qershor 2008), Udhëzimit Administrativ (MAPL) Nr. 02/2019 Për Organizimin, Funksonimin dhe Bashkëpunimin e Komunës me Fshatrat, Vendbanimet dhe Lagjet Urbane, dhe sipas nenit 14 paragrafi 14.2 shkronja c) të Statutit të Komunës së Skenderajt Nr.01-110-385 të datës 03.12.2008, Kuvendi i Komunës së Skenderajt në mbledhjen e mbajtur më datë 06.11.2020 miraton:

## R R E G U L L O R E N

### PËR ORGANIZIMIN, FUNKSIONIMIN DHE BASHKËPUNIMIN E KOMUNËS ME FSHATRA, VENDBANIMET DHE LAGJET URBANE

#### Neni 1 Qëllimi

Kjo rregullore ka për qëllim që të rregulloj organizimin, funksionimin dhe bashkëpunimin e komunës me fshatrat, vendbanimet dhe lagjet urbane, në territorin e komunës së Skenderajt, në themelimin e këshillave lokale, në ushtrimin e aktiviteteve që janë në përgjegjësi dhe kompetencë të komunës.

#### Neni 2 Fushëveprimi

Kjo rregullore përcakton themelimin, formën dhe mënyrën e bashkëpunimit të komunës me këshillat lokale për çështje të interesit publik, si trupa mbështetës të komunës që të ndikojnë në konsultime gjithëpërfshirëse të cilat promovojnë dhe zhvillojnë transparencën, llogaridhënien dhe pjesëmarrjen e qytetarëve në proceset e vendimmarrjes.

#### Neni 3 Komisioni për përzgjedhjen e këshillave lokale

1. Kuvendi i Komunës emëron një komision për të udhëhequr dhe koordinuar punën në terren në zgjedhjen e këshillave lokale. Komisioni duhet të ketë shtatë (7) anëtar, katër (4) anëtar nga Kuvendi i Komunës, një (1) anëtar nga ekzekutivi, një (1) anëtar nga shoqëria civile dhe një (1) nga përfaqësuesit e fshatit, vendbanimit apo lagjes urbane. Përbërja e komisionit duhet të përfaqësoj përbërjen e subjekteve politike me numër me të madh të anëtarëve të përfaqësuar në Kuvendin e Komunës.

2. Komisioni duhet të reflektoj përfaqësimin gjinor dhe etnik. Kryesuesi i komisionit zgjedhet nga anëtarët e komisionit. Mandati i komisionit është i lidhur me mandatin e Kuvendit të Komunës.

3. Komisioni i emëruar nga Kuvendi i Komunës, duhet të jetë përgjegjës për caktimin e periudhës kohore të mbajtjes së zgjedhjeve për anëtarë dhe kryetar të këshillave lokale.
4. Se paku katër (4) anëtar të komisionit të Kuvendit të Komunës duhet të jenë të pranishëm në të gjitha takimet zgjedhore që organizohen për zgjedhjen e këshillave lokale.
5. Komisioni i emëruar nga Kuvendi i Komunës dhe përfaqësuesit e fshatrave, vendbanimeve dhe lagjeve urbane, bashkëpunojnë në mënyrë që të organizojnë zgjedhjen e anëtarëve të këshillave lokale dhe kryetarëve të këshillave lokale.
6. Komisioni i raporton Kuvendit të Komunës, për procesin e përzgjedhjes së këshillave lokale.

#### Neni 4

##### Njoftimi për organizimin e takimeve për përzgjedhjen e këshillave lokale

1. Komisioni i emëruar nga Kuvendi i Komunës, përmes zyrës për informim, informon qytetarët 15 ditë para datës së mbajtjes së takimit me qytetarë për zgjedhjen e këshillave lokale, përmes:

- 1.1. shpalljeve publike të vendosura në objektet publike dhe hapësirat më të frekuentuara brenda territorit ku mbahen takimet për zgjedhjen e këshillave lokale;
- 1.2. mediave lokale;
- 1.3. ueb-faqes zyrtare të Komunës;
- 1.4. platforma tjera të komunikimit.

2. Njoftimi për publikun duhet të përmbajë:

- 2.1. rendin e ditës;
- 2.2. datën;
- 2.3. kohën; dhe
- 2.4. vendin e mbajtjes së takimit.

3. Në territorin e Komunës së Skenderajt formohen këshillat lokale të fshatrave si në vijim:

- 3.1. Këshilli lokal i fshatrave: Runik, Syriganë, Bajë, Radishevë;
- 3.2. Këshilli lokal i fshatrave: Pemishtë, Leqinë, Çitak;
- 3.3. Këshilli lokal i fshatrave: Çubrel, Vitak;
- 3.4. Këshilli lokal i fshatrave: Klinë e Epërme, Kotorr;
- 3.5. Këshilli lokal i fshatrave: Kuqicë, Ternac;
- 3.6. Këshilli lokal i fshatrave: Klodemicë, Kosterc; Izbicë;
- 3.7. Këshilli lokal i fshatrave: Prekaz i Epërm, Lubaveç;
- 3.8. Këshilli lokal i fshatrave: Prekaz i Poshtëm, Mikushnicë;
- 3.9. Këshilli lokal i fshatrave: Klinë e Ulët, Klinë e Mesme;
- 3.10. Këshilli lokal i fshatrave: Polac, Kryshevc;
- 3.11. Këshilli lokal i fshatrave: Rezallë, Makermal, Marinë;

- 3.12. Këshilli lokal i fshatrave: Likoc, Ticë;
- 3.13. Këshilli lokal i fshatrave: Aqarevë, Plluzhinë;
- 3.14. Këshilli lokal i fshatrave: Baks, Dashec;
- 3.15. Këshilli lokal i fshatrave: Çirez, Prelloc;
- 3.16. Këshilli lokal i fshatrave: Kozhicë, Krasaliq, Krasmirovë;
- 3.17. Këshilli lokal i fshatrave: Turigec, Kopiliq i Epërm;
- 3.18. Këshilli lokal i fshatrave: Burojë, Vajnikë;
- 3.19. Këshilli lokal i fshatrave: Abri e Poshtme, Murgë;
- 3.20. Këshilli lokal i fshatrave: Kopiliq i Poshtëm, Tushilë;
- 3.21. Këshilli lokal i fshatrave: Llaushë, Rakinicë;

4. Në territorin e Komunës së Skenderajt formohen këshillat lokale të lagjeve urbane si në vijim:

- 4.1. Këshilli lokal i lagjeve urbane: Iliria, Qameria;
- 4.2. Këshilli lokal i lagjeve urbane: Dardania, Fidanishtja;
- 4.3. Këshilli lokal i lagjeve urbane: Saraji, Ulpiana.

## Neni 5

### Formimi i këshillave lokale

1. Këshilli lokal mund të ketë nga 5 (pesë) deri 9 (nëntë) anëtar. Numri i anëtarëve për secilin këshill lokal përcaktohet nga vet banoret e fshatit, vendbanimit dhe lagjes urbane që janë të pranishëm në takimin zgjedhor.
2. Çdo fshat, vendbanim apo lagje urbane duhet të jetë i përfaqësuar në këshillin lokal. Në raste kur këshilli lokal ka numër çift të fshatrave, vendbanimeve apo lagjeve urbane, atëherë fshati, vendbanimi apo lagja urbane me numër me të madh të banoreve përfaqësohet me dy anëtar në këshillin lokal.
3. Anëtar të këshillave lokale zgjedhën kandidatët të cilët fitojnë numrin me të madh të votave nga numri i përgjithshëm i banorëve me të drejtë vote të fshatit, vendbanimit apo lagjes urbane që janë të pranueshëm në takim zgjedhor.
4. Kryetari i këshilli lokal zgjedhet kandidati i cili fiton numrin me të madh të votave të qytetarëve që marrin pjesë në takim.
5. Nëse në rrethin e parë të votimit kemi dy apo me shumë kandidatë me numër të barabartë të votave, atëherë mbahet rrethi i dytë i votimit dhe kandidati që merr më shumë vota zgjedhet kryetar i këshillit lokal.
6. Rezultatet e zgjedhjeve, emrat e anëtarëve dhe të kryetarit të këshillit lokal, duhet të behen publike menjëherë pas takimit zgjedhor.
7. Procesverbi i hartuar nga takimi i qytetarëve duhet të përmbajë datën, orën dhe vendin e mbajtjes së takimit, numrin e qytetarëve që kanë marrë pjesë në takim, listën e pjesëmarrësve, të dhënat për zgjedhjen e anëtarëve dhe kryetarëve të këshillave lokale, procedurat e votimit dhe çështjet e tjera të adresuara në takim.
8. Procesverbalin e nënshkruajnë kryesuesi i takimit, anëtarët e komisionit dhe procesmbajtësi.

## Neni 6

1. Kandidatët për anëtar të këshillave lokale duhet të jenë banorë të përhershëm në atë lokalitet.
2. Kandidatët për anëtar dhe kryetar të këshillave lokale nuk mund të kandidohen nëse janë të zgjedhur apo të emëruar në poste udhëheqëse në strukturat e subjekteve politike.
3. Të drejtë vote kanë të gjithë banorët me moshë mbi 18. Çdo fshat, vendbanim apo lagje urbane duhet të propozojë së paku dy kandidat për përfaqësim në këshillin lokal.
4. Takimet kanë legjitimitet juridik nëse të pranishëm janë së paku se paku 25 pjesëmarrës më të drejtë vote të atij lokaliteti.
5. Përbërja e këshillave lokale duhet të reflektojë përbërjen etnike dhe gjinore sipas legjislacionit në fuqi.
6. Në këshillin lokal përfaqësohet edhe komuniteti jo shumicë me numër me të madh të banorëve të atij lokaliteti që janë të pranishëm në takim dhe votojnë.
7. Zgjedhja bëhet përmes votimit të fshehtë në takimin e qytetarëve.

#### Neni 7

##### Komisioni i ankesave

1. Kuevendi i Komunës themelon komisionin e ankesave i cili shqyrton ankesat lidhur me procesin e zgjedhjes së këshillave lokale.
2. Komisioni i ankesave do të ketë tre anëtar të cilët zgjedhen nga radhët e anëtarëve të kuvendit të komunës. Përbërja e komisionit duhet të përfaqësojë përbërjen e subjekteve politike me numër me të madh të anëtarëve të përfaqësuar në Kuvendin e Komunës.
3. Të gjithë pjesëmarrësit në takimin zgjedhor mund të paraqesin ankesat e tyre, nëse konstatojnë ndonjë pa rregullsi gjatë procesit zgjedhor.
4. Ankesat për parregullsi në procesin zgjedhor duhet të paraqiten pran komisionit për ankesa brenda 3 ditëve të punës.
5. Komisioni i ankesave është i obliguar që t'i shqyrtoj të gjitha ankesat dhe brenda afatit prej 15 ditëve nga data e parashtrimit të kërkesës, t'u kthejë përgjigje me shkrim atyre që kanë adresuar ankesën.
6. Vendimet e komisionit të ankesave janë obligative.
7. Komisioni i ankesave i raporton Kuvendit të Komunës.

#### Neni 8

##### Mandati i këshillave lokale

1. Mandati i këshillave lokale është 4 (katër) vite.
2. Mandati i kryetarit dhe anëtarëve të këshillave lokale përfundon si në vijim:
  - 2.1. me përfundimin e mandatit;
  - 2.2. nëse jep dorëheqje;
  - 2.3. nëse shkarkohet;
  - 2.4. nëse ndërrohet vendbanimin;
  - 2.5. në rast të dënimit për vepra penale me një urdhër për burgim për 6 muaj ose më tepër;
  - 2.6. nëse vdes.

3.Procedura e shkarkimit të kryetarit dhe anëtarëve të këshillave lokale bëhet sipas procedurës së zgjedhjes.

4.Në rast të humbjes së mandatit të kryetarit të këshillit lokal, komisioni komunal brenda tre dhjet (30) ditësh duhet të organizoj zgjedhjet për zgjedhjen e kryetarit të ri.

5.Zevendesimi i anëtarëve të këshillave lokale në rastin e humbjes së mandatit bëhet nga lista e pritjes, me aprovimin e komisionit të kuvendit brenda 15 ditësh.

#### **Neni 9**

##### **Konsultimet ndërmjet komunës dhe këshillave lokale**

1. Kryetari i Komunës në bashkëpunim me kryesuesi e kuvendit organizojnë së paku dy takime në vit me kryetaret e këshillave lokale.

2. Kryetaret e këshillave lokale, ftohen të marrin pjesë në takime konsultative, debate publike dhe konsultime publike me qytetar.

3. Kuvendi i Komunës duhet të konsultoj këshillin lokal, në çështje të caktuara me interes për komunitetin.

#### **Neni 10**

##### **Bartja e aktiviteteve nga komuna te këshillat lokale**

1. Me kërkesë të këshillit lokal dhe rekomandimin e Kryetarit të Komunës, Kuvendi i Komunës me vendim mund t'i bart disa aktivitete për t'i ushtruar këshillat lokale të fshatrave vendbanimeve apo lagjeve urbane. Aktivitet që mund të barten duhet të jenë në kompetencë vetanake të komunës.

2. Këshilli lokal i fshatit duhet të konsultohet dhe pranoj bartjen e aktiviteteve nga komuna.

3.Bartja e aktiviteteve nga komuna në këshillin lokal duhet të mbështetet me financim të nevojshëm.

#### **Neni 11**

##### **Roli, detyrat dhe përgjegjësit e këshillave lokale**

1. Këshilli lokal mund të takohet në çdo kohë për të shqyrtuar çështjet me interes të lokalitetit si dhe harton dhe miraton planin e punës së këshillit dhe rregullat e brendshme të funksionimit.

2.Këshilli lokal, organizon, përcjell dhe harton planet dhe programet zhvillimore të lokalitetit në të gjitha sferat në bashkëpunim me Kryetarin e Komunës, Kryesuesin e Kuvendit, komitetet dhe drejtoritë komunale.

3.Këshilli lokal duhet të informojë komunën për kohën dhe agjendën e takimeve, zyrtar kompetent komunal mund të marrin pjesë në takimet e organizuara nga këshillat lokale.

4.Takimet e qytetarëve mund të organizohen me iniciativën e këshillit lokal.

5.Këshilli lokal mund të ndërmarrë aktivitetet, të cilat në veçanti ndikojnë në:

5.1. Planifikimin urban dhe rural;

5.2. Furnizimin me ujë, rregullimi i kanalizimit, drenazhimin;

- 5.3. Shëndetësinë publike;
- 5.4. Mbrojtjen lokale të ambientit;
- 5.5. Turizmin;
- 5.6. Hapësirat publike dhe varrezat;
- 5.7. Aktivitetet kulturore dhe sportive; etj.

6. Me pëlqimin e Kryetarit të Komunës, një anëtar i këshillit lokal mund të jetë pjesë e organeve për monitorimin, zbatimin e projekteve për investime kapitale në lokalitet të tyre.

7. Këshillat lokale kanë të drejtë të bashkëpunojnë në mes veti brenda territorit të komunës.

8. Këshillat lokale kanë të drejtë të parashtrijnë kërkesë me shkrim organeve kompetente të komunës për çështje të ndryshme në interes të lokalitetit, dhe komuna përgjigjet brenda afatit prej 30 ditë.

## **Neni 12**

### **Roli i kryetarëve të këshillave lokale**

1. Kryetari i këshillit lokal përfaqëson fshatin, vendbanimin, dhe lagjen urbane në konsultimet dhe diskutimet me organet e komunës.

2. Kryetari i këshillit lokal ka obligim t'i informoj anëtarët e këshillit për rezultatet ose rekomandimet e dalura nga takimet me organet e komunës.

3. Kryetari i këshillit lokal thërret dhe udhëheq me mbledhjen e këshillit lokal dhe kujdeset për organizimin dhe punën e këshillit.

4. Kryetari i këshillit lokal nënshkruan rekomandimet dhe propozimet e miratuara nga ana e këshillit lokal dhe është i obliguar që në afat prej 15 ditësh nga dita e miratimit të tyre t'i adresoj në zyrën e Kryetarit të Komunës.

## **Neni 13**

### **Financimi i aktiviteteve**

1. Aktivitete e këshillave lokale dhe projektet nga marrëveshjet e bashkëpunimit në mes komunës dhe këshillave lokale mund të financohen si vijon:

- 1.1. nga vet banoret e fshatit, vendbanimit apo lagjes urbane;
- 1.2. nga komuna;
- 1.3. nga donatorët dhe
- 1.4 me financim të përbashkët.

## **Neni 14**

### **Kompensimi i kryetarëve të këshillave lokale**

1. Për punën e tyre kryetarët e këshillave lokale kompensohen nga buxheti i komunës.

2. Kompensimi për kryetarët e këshillave lokale bëhet me vendim të veçantë të Kuvendit në vlerën financiare ekuivalente me anëtarët e komiteteve obligative.

3.Kompenzimi për pjesëmarrjen në takime bëhet vetëm për gjatë ( 6) takime të këshillit lokal të mbajtura brenda vitit kalendarik.

#### **Neni 15**

##### **Mos përmbyshja e përgjegjësiave**

Këshilli lokal mban obligime dhe përgjegjësi ligjore për të gjitha aktivitetet e hartura nga organet e komunës në këshillin lokal.

#### **Neni 16**

##### **Dispozitat kalimtare, shfuqizuese dhe përfundimtare**

1. Në rast të konfliktit të dispozitave të kësaj rregulloreje me Ligjin Nr.03/L-010 për Vetëqeverisjen lokale, Udhëzimin Administrativ Nr.02/2019, për Organizimin, Funksionimin dhe bashkëpunimin e komunave me fshatrat, vendbanimet dhe lagjet urbane apo me Statutin e Komunës, mbizotërojnë dispozitat e Ligjit, Udhëzimit Administrativ dhe Statutit.

2. Me hyrjen në fuqi të kësaj rregullore shfuqizohet Rregullorja për organizimin e bashkësive, fshatrave, vendbanimeve dhe lagjeve urbane Nr. 110/56 të datës 05.05.2009.

#### **Neni 17**

##### **Përgjegjësia për zbatim**

Përgjegjës për zbatimin e kësaj rregullore është Kryetari i Komunës.

#### **Neni 18**

##### **Hyrja në fuqi**

Kjo rregullore hyn në fuqi pas miratimit nga Kuvendi i Komunës së Skenderajt dhe 15 ditë pas regjistrimit në zyrën e protokollit në Ministrinë e Administrimit të Pushtetit Lokal, si dhe (7) shtatë ditë pas publikimit në ueb-faqen e Komunës së Skenderajt.

Kryesuesja e Kuvendit  
Fatbardha Halici





Republika e Kosovës  
Republika Kosova  
Republic of Kosovo



Komuna Skenderaj  
Opština Skenderaj  
Municipality of Skenderaj

02-060/01-0044731/2  
15 10 2020

Zyra e Kryetarit/Kabinet Predcednika/Office of the Mayor

|                        |                                                                                                                                                                                                                    |
|------------------------|--------------------------------------------------------------------------------------------------------------------------------------------------------------------------------------------------------------------|
| DATE/A:                | 15.10.2020                                                                                                                                                                                                         |
| PËR/ZA/TO:             | Qytetarët e Komunës së Skenderajt                                                                                                                                                                                  |
| CC:                    |                                                                                                                                                                                                                    |
| NGA/OD/FROM:           | Endrit Nura- Zyrtares për marrëdhëniet me qytetarët dhe bashkëpunimin me procesin e konsultimit publik                                                                                                             |
| TEMA/SUBJEKAT/SUBJECT: | Njoftim për diskutim publik të Draft Rregullores për Transparencë dhe Draft Rregullores për Organizimin, Funksionimin dhe Bashkëpunimin e Komunës me Fshatra, Vendbanime dhe Lagjet Urbane në Komunën e Skenderajt |

Njoftohen të gjithë qytetarët e Komunës së Skenderajt, personat fizik dhe juridik, se në përputhje me Udhëzimin Administrativ Nr.04/2018, për Transparencë, të mërkurën me datën 28.10.2020, nga ora 14:00, në sallën e Kuvendit Komunal- Skenderaj, do të mbahet Diskutimi Publik lidhur me Draft Rregulloren për Transparencë si dhe Draft Rregulloren për Organizimin, Funksionimin dhe Bashkëpunimin e Komunës me Fshatra, Vendbanime dhe Lagjet Urbane në Komunën e Skenderajt.

Ftohen të gjithë qytetarët e Skenderajt, që të marrin pjesë në këto diskutime duke i dhënë të gjitha vërejtjet dhe sugjerimet e nevojshme lidhur me këto dy draft rregullore.

Këto dy draft dokumente të rëndësishme mund të shkarkohen përmes web faqes së Komunës së Skenderajt, po ashtu rekomandimet e sugjerimet eventuale qytetarët mund t'i paraqesin edhe në adresën zyrtare [komuna.skenderaj@rks-gov.net](mailto:komuna.skenderaj@rks-gov.net).

Mirëpresim kontributin qytetarë për finalizimin dhe kompletimin e Draft Rregullores për Transparencë në Komunën e Skenderajt si dhe Draft Rregullores për Organizimin, Funksionimin dhe Bashkëpunimin e Komunës me Fshatra, Vendbanime dhe Lagjet Urbane në Komunën e Skenderajt.

Me respekt,



Republika e Kosovës  
Republika Kosova  
Republic of Kosovo



Komuna Skenderaj  
Opština Skenderaj  
Municipality of Skenderaj

|                       |                                                                                                                                                                              |
|-----------------------|------------------------------------------------------------------------------------------------------------------------------------------------------------------------------|
| DATE/A:               | 29.09.2020                                                                                                                                                                   |
| REFERENC-Ë:           |                                                                                                                                                                              |
| PËR/ZA/TO:            | Publikun                                                                                                                                                                     |
| NGA/OD/FROM:          | Endrit Nura, Zyrtar përgjegjës për menaxhimin me procesin e konsultimit publik                                                                                               |
| TEMA/SUBJEKAT/SUBJECT | Njoftim për diskutim publik të Draft Rregullores për Organizimin, Funksionimin dhe Bashkëpunimin e Komunës me Fshatra, Vendbanime dhe Lagjet Urbane në Komunën e Skenderajt. |


Njoftohen të gjithë qytetarët e Komunës së Skenderajt, personat fizik dhe juridik se në përputhje me Udhëzimin Administrativ Nr.04/2018 Për Transparencë, Rregulloren për Transparencë në Komunën e Skenderajt dhe Udhëzimin Administrativ për Standardet Minimale të konsultimit publik në nivel lokal për shpalljen e diskutimit publik Draft Rregullores për Organizimin, Funksionimin dhe Bashkëpunimin e Komunës me Fshatra, Vendbanime dhe Lagjet Urbane në Komunën e Skenderajt nga data 29.09.2020 deri me datë 29.10.2020 mund të japin vërejtjet, rekomandimet dhe sugjerimet eventuale lidhur me këtë draft Rregullore Komunale.

Të gjitha vërejtjet, rekomandimet dhe sugjerimet eventuale qytetarët mund t'i japin, në e-mail adresën e më poshtme: [komuna.skenderaj@rks-gov.net](mailto:komuna.skenderaj@rks-gov.net). Draft Rregullores për Organizimin, Funksionimin dhe Bashkëpunimin e Komunës me Fshatra, Vendbanime dhe Lagjet Urbane në Komunën e Skenderajt, mund të shkarkohet në web faqen e komunës së Skenderajt.

Mirëpresim kontributin qytetar në finalizimin e Draft Rregullores për Organizimin, Funksionimin dhe Bashkëpunimin e Komunës me Fshatra, Vendbanime dhe Lagjet Urbane në Komunën e Skenderajt



Republika e Kosovës  
Republika Kosovo  
Republic of Kosovo



Komuna e Skenderajt  
Opština Skenderaj  
Municipality of Skenderaj

Komisioni komunal për akte normative

**Raport mbi diskutimin publik për Draft-Rregulloren për Këshillat lokale në fshatra dhe lagjet urbane**

Komuna e Skenderajt, ka vazhduar me konsultime dhe dëgjime publike, kështu duke ngritur nivelin e bashkpunimit me qytetarë dhe duke kryer obligimet ligjore për diskutime publike të akteve.

Edhe përkundër faktit që jemi duke u përballur me pandeminë COVID-19, komuna e Skenderajt nuk ka ndaluar aktivitetet në interes të qytetarëve, por realizimin e punëve dhe projekteve komuna dëshiron ta bëjë në konsultim me qytetarin si dhe me nevojat dhe kërkesat e qytetarëve, konform legjislacionit në fuqi, kështu do të vazhdojë me takime dhe konsultime të njëpasnjëshme.

Me datë 28.10.2020, komisioni për akte normative ka mbajtur diskutim publik për Draft-Rregulloren komunale për këshillat lokale, në sallën e kuvendit komunal, konform masave preventive ndaj Covid-19.

Të pranishëm ishin 41 qytetarë, ojq dhe asamblistë, me ç'rast edhe të pranishmit shprehën idetë, sugjerimet si dhe shtfaqen vërejtjet, rekomandimet dhe mendimet e tyre.

Edhe nga komisioni morën zotimin që vërejtjet dhe sugjerimet e tyre do të inkorporohen në draftin final konform legjislacionit.



Kryetari i komisionit  
Jur.dip.Ramiz Shala



Republika e Kosovës  
Republika Kosovo  
Republic of Kosovo



Komuna e Skenderajt  
Skopština Opštine Skenderaj  
Municipality of Skenderaj

## Procesverbal i diskutimit publik për draft-rregulloren për organizimin, funksionimin dhe bashkpunimin e komunës me fshatrat, vendbanimet dhe lagjet urbane

Data: 28.10.2020

Ora: 14:30

Vendi: Salla e Asamblesë Komunale

Të pranishëm:

1. Komisioni për akte normative
2. Qytetarë, shoqëria civile, ojq, përfaqësues të fshatrave të komunës së Skenderajt

### Përshkrim i përgjithshëm

Ky diskutim publik mbahet për Rregulloren për organizimin, funksionimin dhe bashkpunimin e komunës me fshatrat, vendbanimet dhe lagjet urbane, pas kalimit nga asambleja komunale për hedhje në diskutim publik.

### Fjala hyrëse

**Ramiz Shala** – Kryetar i komisionit: Përshëndetje për të gjithë, ju falenderojmë për pjesëmarrjen dhe kontributin tuaj. Përfaqësimi i qytetarëve në mënyrë hiearkie është qendësor dhe shumë i nevojshëm, duhet që çdo lagje e çdo fshat ta ketë përfaqësuesin e vet. Kështu që ne, konform UA 02/2019, e kemi hartuar draftin e rregullore komunale dhe po e prezentojmë përmes monitorit çdo nen dhe paragraf, poashtu materialin e kemi përpara dhe ju ftojme që t'i jepni vlerëgjatë, këshillat dhe rekomandimet tuaja.

### Pjesë nga qytetarët:

**Hajzer Mustafa:** Përshëndetje, është mirë që po kryhet kjo rregullore, sepse ne përfaqësuesit e fshatrave kemi mbaruar mandatin dhe veç është vazhduar. Tek pika 4.9 shkruan aty që dy e më shumë fshatra, këtë metodë nuk e shoh funksionale, do të ishte mirë që çdo fshat me pas përfaqësuesin e vet, poashtu kur të fillojnë zgjedhjet e këshillave lokale të ketë informim dhe transparencë.

**Florim Rrustemi:** Përshëndetje, edhe unë po lidhem tek pikat 4.3 dhe 4.9, do të ishte më mirë që secili me pas kryesinë dhe përfaqësuesin e vet, e jo nga 2 fshatra bashkë, poashtu të shqyrtohet mundësia që ata përfaqësues me a pagu, sepse kanë angazhime, shpenzime dhe ngarkesë psikike.

**Arben Veliu** - Qendra Rinore Publike: Vërtetë që mungojnë aktivitetet për këto gjera, unë jam që të ketë decentralizim e jo centralizim, sepse në këtë formë do të ketë pakënaqësi dhe mungesë centralizimi. Poashtu ju ftoj që përfaqësuesit e këshillave lokale të jenë a politik, mos të ketë politizim edhe këtu dhe të ketë përfaqësim gjinor.

**Sadri Gaxhiqi:** Përsëritet, unë jam nga Murça, jam qytetar aktiv që 20 vite, unë vetëm kërkoj që të kemi bashkëpunim më të madh me komunën dhe drejtorinë komunale.

**Musa Fazliu-Klinë e Ulët&Asambleist:** Unë vetëm po pajtohem me këtë "nga dy fshatën" sepse e para thuhet që me pasë 5 deri 9 anëtarë ndërsa ka fshat që i ka 7-8 lagje, kur bëhen dy fshatra bashkë atëherë shumë lagje nuk do të kenë përfaqësues, pra mundet me pasë pakënaqësi.

**Florim Rustemi:** Unë kam qenë përfaqësues i fshatit, edhe bashkëpunimi nuk ka mungu, bile bile gjatë pandemisë kemi pas bashkëpunim shumë të mirë me kryetarin dhe drejtorët. Poashtu janë kry rrugë e kanalizime e ujësjellëse.

**Xhavit-Prelovec:** Nuk do të ishte mirë që neve Prelovecin me na lanë me Qirez sepse ne jemi fshat i vogël e Qirezi gjithë na mund, çdoherë me vota na e marrin kryetarin.

**Isuf Hoti-Polac:** Do të ishte mirë çdo fshat me pasë përfaqësuesin e vet, por nuk nvarret prej neve, duhet me pasë bashkëpunim mesvete fshatrat.

**Lulzim Ibrahim-Lubave:** Përsëritet për të gjithë, e pasë që nuk ka afat kur fillon zgjedhja e kryesive dhe kryetarëve!?

**Ramiz Shala:** Faleminderit prej të gjithëve, vërejtjet tuaja po merren nga procesmbajtësi. Po filloj me ju jap përgjigje të gjithëve me radhë: Të nderuar, Udhëzimi Administrativ 02/2019 i nivelit qëndror i ndanë këshillat lokale konform numrit të popullsisë së qyteteve, pra ne po duhet me i bërë nga dy fshatra bashkë. Këshillat lokale do të kenë nga 5 deri 9 anëtarë, poashtu planifikohet ndarja e buxhetit për këtë kategori. Sa i përket përfaqësimit gjinor, nuk nvarret nga ne por nga banorët e vendbanimeve, sepse ne jemi pro që të ketë 50% femra, poashtu jemi që ata të jenë apolitik. I nderuar Sadri, me këtë rregullore rregullohet edhe bashkëpunimi mes fshatrave edhe me komunë, poashtu duhet me pas njerës bashkëpunues sepse nvarret nga banorët e lokalitetit se si shkon procesi e kush zgjidhet e si do t'i përfaqësojë ata. Sa i përket afatit kur fillon ky proces: pas miratimit nga asambleja duhet me kriju komisionin sipas nenit 4, pastaj bëhet njoftimi sipas nenit 4.6, pra 15 ditë më herët.

Nëse nuk keni diçka me shtu, e shpallim të mbyllur diskutimin publik, ju falenderojmë për pjesëmarrje dhe kontribut. Ju faleminderit!

Procesmbajtësi

Mirsad Gashi

